

叢書
中國
地方志

華北
地方

517

河北省

威縣志

三



中國方志叢書·華北地方·第五一七號

據

民國·崔正春修，尚希賓纂
民國十八年鉛印本

影印

河北省

威縣志

(三)

成文出版社有限公司印行

人物志 上 名臣 循吏 文學 武功 忠烈 孝義

威縣志 卷十

威縣志卷十

人物志

紀曉嵐謂古地志載方域山川風俗物產太平寰宇記增以人物是爲州縣志書之濫觴元明以後體例相沿夫既以此著爲志書體例矣自不得專重地理如酈道元水經注南懷仁坤輿圖說之類亦不得專重人物如宋張齊賢洛陽緝紳舊聞記明耿定向先賢遺風之類

洛陽緝紳舊聞記本小說家四庫全書沿班史藝文志列子部近人章炳麟謂小說亦史之流據此則亦可列史部矣

蓋必綜舉州縣全部大綱分類記載乃爲得體幾與正史三國志名實相符威縣志分類十四就中有人物志卽本此例茲特析爲上下二篇隸以名臣循吏文學武功忠烈孝義鄉賢隱逸耆舊藝術列女十一門并各表增焉邦人君子緬高曾之矩矱攷故國之文獻倘亦有眷眷不能已於中者乎

人物志上

名臣 循吏 文學 武功 忠烈 孝義

名臣

戎

縣

志

卷十

北平京津印書局印

藥蔓者印落落者綬出則乘翹翹車建子子旌同在百爾之列而其名獨赫赫然照汗青史此豈無故而然哉蓋必有豐功大烈高才美政足以鑒飫乎人心食其德者自不得不報以名夫豈大冠若箕中無所有日坐政事堂伴人食數碗肉糜者所能倖致乎吾邑先正或樞臣或疆吏大半懋建功伐謹守規範不以謀略自滿不以學問驕人此固由天懷之冲挹亦因風氣之和柔也今者國體變更君臣名詞已爲歷史上之陳迹然而權利義務實相對待權利愈大而義務亦必思所以副之無臣之名有臣之實倘或素餐尸位良心豈無判斷而顧甘令名譽之掃地乎甚或重兵坐擁野心勃勃迫元首下殿而走又或行迹詭秘盜賣虛龍家貲敵國而猶不知止臣之一字固無問題而獨不顧身後名乎吾纂名臣至此不禁爲若輩髮指也

三國

孟康字公休安平廣宗人魏散騎侍郎弘農太守領典農校尉勃海太守給事中散

騎常侍中書令後轉爲監封廣陵亭侯

前漢書叙例

黃初中以與郭后有外屬并受九親

賜拜遂轉爲散騎侍郎是時散騎皆以高才英儒充其選而康獨緣妃嬙雜在其間

故于時皆共輕之號爲阿九康既無才敏因在冗官博讀書傳後遂有所彈駁其文義雅而切要衆人乃更加意正始中出爲弘農典農校尉康到官清己奉職嘉善而矜不能省息訟獄緣民所欲因而利之郡領吏二百餘人涉春遣休常四分遣一事無宿諾時出案行皆豫勅督郵平水不得令屬官遣人探候修設曲敬又不欲煩損吏民常豫勅吏卒行各持鐮所在刈馬草不止亭傳露宿樹下又所從不過十餘人郡帶道路其諸過賓客自非公法無所出給若知舊造之自出於家康之始拜衆人雖知其有志量以其未嘗宰牧不深其能也而康恩澤治能乃爾吏民稱歌焉

杜畿傳注引魏略舊志
廣平府志均無今補

北齊

陳元康字長猷廣宗人父終德魏濟陰內史元康貴贈度支尙書諡曰貞元康頗涉文史有幹才魏正光中從李崇北伐以功賜爵臨清男普泰中除主書累遷司空高昂記室初司馬子如高季式與孫季劇飲季醉死神武命求好替子如舉魏收他日神武謂季式曰卿飲殺我孫主簿魏收作文書都不稱我意司徒嘗道一人謹密是

誰季式以元康對曰是夜能闇書快吏也召之一見便授大丞相功曹內掌機密善陳事意不爲華藻封安平子軍國多務元康問無不知神武臨行留元康在後馬上有所號令九十餘條元康屈指數之盡能記憶神武甚親之曰如此人世間希有而今得之乃上天降佐也時趙彥深亦知機密人謂之陳趙而元康勢居趙前性又柔謹神武之伐劉蠡升天寒雪深使人舉氊元康於氊下作軍書颯颯運筆筆不及凍俄頃數紙及出神武目之曰此何如孔子邪神武嘗怒文襄親加毆踢極口肆罵以告元康元康俯伏泣下霑地曰王敎世子過矣神武曰我性急嗔阿惠嘗如此元康大啼曰一度爲甚况常然邪神武自是爲之懲忿時忽悲撻輒曰勿使元康知又謂左右曰元康用心誠實必與我兒相抱死文襄入輔居鄴下崔暹崔季舒崔昂等竝被任用張亮張徽纂竝爲神武待遇然皆出元康下神武每與元康久語文襄門外待接之時人語曰三崔二張不如一康文襄家倉頭蘭固成掌厨與其弟阿改謀害文襄因進食置刃盤下而殺文襄元康抱文襄文襄曰可惜可惜與賊爭刀警解被刺傷重腸出猶手書辭母至夜而終時年四十三明年贈司空諡文穆元康母李氏

以哀死贈廣宗郡君子善藏黃門侍郎隋開皇中爲尙書郎大業初卒元康弟諡官

至大鴻臚次季璩鉅鹿太守

節北史北齊書本傳

唐

潘好禮貝州宗城人第明經累遷上蔡令治行最擢監察御史坐小累下除芮城令拜侍御史徙岐王府司馬居後母喪詔奪服固辭不出開元初爲邠王府長史王爲滑州刺史好禮兼府司馬知州事王御下不能肅有詔好禮檢督王家過失皆上聞王每遊觀好禮必諫諭禁切農月王出獵家奴羅迺好禮遮道諫王初不許乃臥馬下諈曰今農在田王何得非時暴禾稼以損下人要先踐殺司馬然後聽所爲王慙爲還遷豫州刺史勤力於治清廉無所私子請舉明經好禮曰經不明不可妄進乃自試之不能通怒笞之械而徇於門復以功累徙溫州別駕卒好禮博學能論議節行修整一意無所傾附未嘗自列階勳居室服用羸苟至終身

新唐書本傳

宋

范質字文素宗城人父守遇鄭州防禦判官質生之夕母夢神人授以五色筆九歲

戎

系

五

卷十

三

北平京津印書局印

能屬文十三治尙書教授生徒後唐長興四年舉進士爲忠武軍節度推官遷封邱令晉天福中以文章干宰相桑維翰深器之卽奏爲監察御史及維翰出爲節度皆請質爲從事維翰再相質遷主客員外郎直史館歲餘召入爲翰林學士知制誥漢初加中書舍人戶部侍郎周祖征叛每朝廷遣使齎詔處分軍事皆合機宜周祖問誰爲此辭使者以質對歎曰宰相器也周祖自鄴起兵向闕京城擾亂質匿民間物色得之喜甚時大雪解袍衣之且令草太后誥及議迎湘陰公儀注質蒼黃論撰稱旨迺白太后以質爲兵部侍郎樞密副使顯德四年質建議以律條繁冗輕重無據吏得因緣爲奸世宗特命詳定是爲刑統六年與王溥竝參知樞密院事世宗不豫入受顧命恭帝嗣位加開府儀同三司封蕭國公及太祖北征爲六師推戴時質方就食閤中太祖入率王溥魏仁浦就府謁見太祖對之嗚咽流涕具言擁逼之狀軍校羅彥瓌舉刃擬質曰我輩無主今日須得天子質不知所措乃與溥等降階受命太祖征澤潞幸其第賜黃金器二百兩銀器千兩絹二千匹錢二百萬先是宰相見天子議大政事必命坐面議之從容賜茶而退質等憚帝英睿每事輒具笏子進呈

帝從之由是始廢坐論之禮乾德初進封魯國公質奉表固辭不允二年九月卒年五十四將終戒其子旻勿請諡勿刻墓碑太祖聞之爲悲惋罷朝贈中書令賜絹五百匹粟麥各百石質力學強記性明悟舉進士時和凝以翰林學士典貢部覽質所試文字重之自以登第名在十三亦以其數處之貢闈中謂之傳衣鉢其後質登相位爲太子太傅封魯國公皆與凝同云初質既登朝猶手不釋卷或勞之質曰有善相者謂我異日位宰輔誠如其言不學何術以處之後從世宗征淮南詔令多出其手吳中文士莫不驚伏質性卞急好面折人以廉介自持未嘗受四方饋遺前後所得祿賜多給孤遺閭閻之中食不異品身沒家無餘貲太祖謂侍臣曰朕聞范質止有居第不事生產眞宰相也從子校書郎杲求奏遷秩質作詩曉之時人傳誦以爲勸戒有集三十卷通錄六十五卷行於世子旻

節宋史本傳

旻字貴參十歲能屬文以父任右千牛備身累遷著作佐郎宋初判大理正事俄知開封縣太宗時領京尹數召與語頗器重之嶺南平遷知邕州兼水陸轉運使俗好淫祀輕醫藥重鬼神旻下令禁之且割己奉市藥以給病者愈者千計復以方書刻

石置廳壁民感化之會南漢知廣州官邵存忠劫土人二萬衆攻州城七十餘日晏
屢出親戰矢集於胸猶激勵將卒殊死戰賊遂少卻病創日篤堅壁固守遣使十五
輩求援廣州救兵至圍解賜璽書獎之晏病甚詔令有司以肩輿載歸闕下疾愈通
判鎮州有能聲賜錢二百萬遷庫部員外郎開寶九年知淮南轉運事太祖謂晏曰
朕今委卿以方面之重凡除民隱急軍需之務悉以便宜從事無庸一一申覆也歲
運米百餘萬石給京師當時稱有心計太平興國初爲水部郎中車駕征晉陽上書
求從師還加給事中六年卒年四十六有集十一卷邕管記三卷子貽孫官至主客
員外郎

同上

魏廷式字君憲大名宗城人少明法學嘗客游趙州舍於監軍魏咸美之廨廨有西
堂素凶咸美知廷式有膽氣命居之卒無恙來京師咸美弟咸信延置館舍以同宗
善待之太平興國五年中第釋褐朗州法曹掾轉運使李惟清以其吏材奏知桃源
縣遷將作監丞端拱初改著作佐郎通判潁州淳化二年始命李昌齡判審刑院以
廷式明練刑章奏爲詳議官屢進對太宗悅其明辨遷太子左贊善大夫改知利州

李順爲盜就命充陝西至益州路轉運使後入奏事太宗謂曰有事當白中書廷式曰臣三千七百里外乘驛而至以機事上聞願取斷宸衷非爲宰相來也卽不時召對問方略稱旨賜錢五十萬令還任賊平遷知寧州未至召入判大理寺至道初乘傳河朔決獄復出知宋潭二州湖南地土衍沃民喜訟產有根柢巧僞難辯者廷式立裁之吏民咸服眞宗卽位改刑部會王繼恩有罪下吏命廷式同按之踰宿而獄具俄進銀臺封駁司拜右諫議大夫知審刑院咸平二年卒年四十九錄其子舜卿爲太祝禹卿同學究出身廷式所至以嚴明稱剛果敢言爲人主厚遇

節宋史本傳

元

秦起宗字元卿其先上黨人後徙廣平洺水縣曾大父當金季兵起竄山麓爲洞奉其親以居榜窾大洞匿其里中百人閉之兵牛酒出待兵兵入索惟見其親屬曰孝士也釋之去里人曰秦父生我起宗生長兵間學書無從得紙父順削柳爲簡寫以授之成誦削去更書年十七會立蒙古學學輒成辟武衛譯史累遷太子家令司典簿官上言東宮官屬輔導德義財賦非所治也朝廷是之遷南臺御史建康多水或

實災而有司抑之或無災而訴災起宗微行得實人以爲神明拜中臺御史劾中丞和尚受人婦人賤買縣官屋不報起宗從臺官入見踞辯久之勅令起起宗不起會日暮出明日立太子有赦起宗又奏不罪和尚無以正國法和尙服辜帝曰爲御史當如是矣又劾閻憲卜咱耳竊父妾以逃其父憤死瀆亂天常流之嶺南自是盡言無諱皆見聽用有御史奏議一卷出爲撫州路總管有司供帳甚盛問其費所從出小吏曰借辦於民遂亟使歸之几席僅給而已自是官府僚佐有宴集成禮卽止因諭衆曰我素農家安儉約務安靜庶使吾民化之居一歲以老去官明年以兵部尙書致仕居一歲卒諡昭肅子四人鈞銓鐸鏞鈞西臺御史

節元史本傳

循吏

何謂循吏顏師古曰循者順也上順公法下順人情也故無論京朝清要州郡守牧與夫令丞簿尉哦松射鴨之末僚但能心心公法念念人情卽爲無玷乎官箴夫法雖萬變而其法法者不變情雖各殊而其情情者不殊古今此法亦古今此情順其法法之法無法不情順其情情之情卽法初何事模稰龔範黃學召擬杜爲哉

元

劉時美洺水人至正間任南宮縣發奸勦寇號爲神君盜賊相戒不入境

幾輔通志

明

吳瑜由舉人任監察御史孤介鯁直不避強禦陞山東按察司僉事

舊志

高安登正統乙丑科商輅榜進士任行人司行人因辱君命

舊志

尹言字守忠爲人恬靜寡營不逐時好舒徐容與未嘗有疾言遽色以名孝廉五上

春官未博一第乃投牒銓曹自竄仕以來歷年一十有九爲縣令者二州牧者三郡

丞者一所至修城垣疏河渠諸所厝施厥功甚偉至於冰蘖操持一塵不染垂歿時

家已匱乏室有箱篋扁鑰甚密其子若孫意或黃白也啓之惟故衣書籍而已

舊志

姜允清字懷泉早慧名噪里閭十上棘闈弗售以明經授山東即墨尹巖邑難治允

清不忍以刑督倣古蒲鞭示罰之意民亦樂與休息未期年卽解組歸日以詩文爲

事邑之執經問奇者戶外屨恒滿也年八十猶作蠅頭細書逾數年始卒一時齒德

莫出其右

舊志

茂

縣

志

卷十

六

一北平京津印書局印

張守樞字旋字以選貢授湖廣永州府司理性素方正居官益復公直不以利害怵志時司道曲庇一令其人素不檢守樞巡部竟案以法人爲守樞危守樞曰得無以我戀戀此五斗米耶乃拂袖歸復補陝西平涼府其執守如前而齟之者益甚遂堅臥林下薑桂之性至老不渝威人士仰如山斗以爲有王彥方陳太邱之風

舊志

王法堯字見唐都憲王公濟之裔少以穎異特聞顧數奇困場屋者三十年嗣以明經任山東安邱縣二尹法堯雖歷百僚之底而任事勤慎嘗攝邑篆雅著循聲士民恒祝頌之未幾掛冠歸居鄉醇竺有古人風

舊志

賈儲芳字瑞堂以伯父太保公邊功恩授臨清鎮撫爲人尙氣節時魏闥擅權荼毒縉紳儲芳蒞任甫月有巨璫馳驛視師勢燄薰天達官貴人莫不屈膝儲芳職應戎服謁見嘆曰陶靖節不爲五斗米拜鄉里小兒余奚戀此一弁爲遂力白長官辭任歸放蕩山水間二十年戊寅東兵陷城不屈而死

舊志

按戊寅崇禎十一年也考廣平府志是年十二月清兵入雞澤并破清河威縣諸城是時死難者儲芳而外更有王太史建極賈秀才前王馬巡檢如麟與子生員

璠兆李庭柱之父州倅公百戶賈紹庭之妻孫氏增生張國翰之妻李氏此特縉紳之家載在邑乘者耳編戶齊民應難更僕數蓋幾幾乎一城老幼悉化沙蟲碧血橫飛白骨填巷可謂極天下之至慘矣然則滿洲之兵禍吾威前民實身受之固不獨揚州十日嘉興屠城兩書已也噫嘻

賈傳芳字聚堂以廕授廣東高州府別駕甫二載丁內艱天啓元年起復補青州有異政擢膠州知州時山左白蓮教匪倡亂所在蜂起陷鄒滕諸縣傳芳潛訪爲首姓名居址以計取其渠魁悉置之法而脅從者悉放歸農全活以萬計

舊志參
膠州志

沙蘊金字仲蓼天啓四年舉人早歲失怙事母曲盡色養事長兄如嚴父撫四歲弱弟範金日夜勸課底於成立凡族中不克婚娶者靡不周濟筆耕屢空以道義名節自礪筮仕河南湯陰令湯本南北孔道輪蹄接踵簿書蝟集蘊金理煩治劇恢恢有餘去之日民爲立德政碑孫太師所撰文也擢陞南京上元縣尹遷南京戶部主事以勞瘁卒於任

舊志

劉光字青藜處鄉里姻族恂恂謙退人多愛之以崇禎元年恩貢授山西繁峙令和